

皇明續紀三朝法傳全錄

皇明續紀三朝法傳錄卷之七

聖湖——高汝栻——輯

建武 余日登 叅

高 萬化 較

已酉萬曆三十七年

正月初九日達虜在邊講實民間訛傳警至街市宜擾
安定德勝二門百姓爭入避難兵部請申飭經營添設
哨探事下部

民間傳言 聖上曾于禁中登高臺而望謂烟塵未
起祇是虛傳後果然

○蒯適總督王象乾揭報虜情急迫軍士饑餒非但不
能禦虜恐生中變不報○起原任吏部郎中顧憲成爲

光祿寺少卿累辭不赴○兵部請上發內帑以給邊餉謂太倉已空民間雖少有拖欠皆以災傷難追且不能應目前之急舍發帑之外更無別策或督那移令其日後補還不報○雲南巡撫陳用賓總兵沐啟進至涼師

二月大學士葉向高疏請點用禮史二部尚書銓衡典禮事務煩多勢難停滯不報往時掌印官缺猶可令人暫署今六部尚書侍郎共只四人皆以病杜門戶部尚書趙世卿病將一載兵部尚書李化龍病尚未愈刑部尚書沈應文工部侍郎劉元霖皆稱病篤只一禮部侍

廷竹何東
勝也無險
事必廢化
甚非公平

云留惟料
之命豈不
不俟旨而
行者在小
況且不可
況為大臣
居然以行
乎

郎楊道賓在事供職又陪祭時忽眩仆墮中至今未醒
卽本部之事尚不能理况能兼攝嗣後復以孫丕揚上
請乃特點之

四月吏部糾擯去諸臣工科孫善繼劉道隆長往顧天
峻等出都咸不候命議處有差○戶科劉文炳請召直
臣鄒元標于田間不報

五月復起孫丕揚為吏部尚書丕揚以受事兩月所推
上大僚疏一槩不報春夏選官吏以吏科無官不得
領引因自劾求去上慰留之○河南道御史史學遷
奏請枚卜空訪之在藉在朝不分南北不必詞林擇其

其說久矣
甚自神廟

是今幸不
能行

才猷夙著。雅為物望之歸者。盡置揆地。弗以祖制為
辭。不報。

素向高曰。此是天下公共之官。何必以一途拘定。惟
是言者皆以祖制為辭。則恐不足以動上心。蓋
祖制此官。原不稱相。只備顧問。故以詞臣為之。如楊
文貞輩。起自他曹。然皆改編修。檢計。而後入。即以
世廟之眷張桂。亦皆如此。其以外衙門經入者。惟王
毅愍。楊文襄二三人耳。以二百五十餘年。只二三人
遂以為祖制如是。則不考之過也。故今日只言輔
臣當求賢才。不拘內外衙門。則可必以祖制為辭。
則失之矣。
知言哉。

南京御史劉蘭奏言。李廷机以一籌莫展之身。值百口
交攻之際。啓通夷之大釁。當揆地之前。矛罪不可追。而
職無所效。亦安用此具臣為乎。

廷机拜疏一月而人言蜂起屢疏懇辭留中不報最
後伏閣拜朝寄居蕭寺計半載有餘乃得予告大郡
清介之品或以器局偏狹而攻之者遂為章金載
王行賄與接欲併其一生砥礪故御史葉永盛極辨
之昔錢夢阜論沈鯉貪污鯉不辨而曰貪污之罪臣
任之矣蓋自信之素也異日廷机易名文節而永盛
之論定

御史鄧澄叅大學士葉向高以票擬為尋常舊套向高
疏辨奉職無能請以資序為據將一切本章發次輔李
廷机票擬上溫旨慰留

高汝杖曰閣臣止有票擬一事諸疏不經簡付若付
之票擬不當施行之票閣臣當首任其辜然多留中
使閣臣無可擬票或擬票矣未經批紅傳發又或具
得相催並寢不報且奈之何哉此亦時勢之最難者
矣

南京御史曾陳易奏言 祖宗付託至重 東宮廢學
堪憂懇乞 皇上亟命 皇太子出閣聽講外選二三
官僚諭之講論經史之外更輯古今治亂興亡之迹逐
款開說不報

高汝棧曰 皇太子深居春宮弗親講筵五年矣
臣請之不得 部臣請之不得 台省諸臣累疏請之亦
不得 誠不知其何故 其廢聖 夙成 迺與諸王異 故
荒雖分而儀位益定一日 聖壽同諸王入賀 賜
以玉帶 卽下階作舞謝 上 上顧謂諸王曰汝兄
讀書禮義汝當效之又一曰 賜以慈慶宮居住 潛
遣內侍覘其坐向 皇太子北面謝恩訖 遂巡西向
坐 內侍回奏 上亟稱知禮 知禮 上心愛 皇太
子如
此。

山東巡撫

揭報牛妖濟南青州二處各產犛牛二

此府邊候
惟達西為
可憂而
鎮空虛性
趨焉

事計者定
乎

隻兩頭三鼻四目二口○薊遼總督王象乾奏言達虜
猖獗請給兵餉西虜頭目十人共聚精兵五萬餘要犯
鐵嶺衛等處暗扼廣寧東西地方傳約諸虜但有不到
者加以重罪其勢甚兇倘更與奴合謀東西並舉遼東
孤鎮奚以支吾上命發帑募兵以拯之○奴酋遣子
莽骨大以萬騎修築南関故塞已又闢入靖安堡聞那
林字羅子金台失新立有備去之已勒騎往撫順関脅
莽皮牛酒已又勾西虜等賽煖兔等窺開原遼陽邊吏
日夜告急時熊廷弼按遼請添募兵及改三協允寺馬
炮鏡甲等急撫北関收宰煖以折其謀○南京御史蔣貴

泰內監陳永壽夙稱姦狡肆行無忌冒破工程物料侵欺御用錢糧賊私百萬的確有據卽皇極門工自許承包秋秒工完今既徂秋涉冬未立一柱駕言皇上不允而避之以爲利伏乞大奮乾剛嚴刑正法不報○御史王萬祚疏言國勢傾危亟同消乳以終盛治是時齊魯淮徐流民載道荒蕪罕治民楮五月不雨三農失望長條現而赤地飛蝗起而蔽天無登場之稼無入土之麥陂隄崔嵬盡充蠹食彌望皆秃村塢壞垣半是鹿場逃亾殆盡及至兩浙閩廣江右洩號肆虛洪濤漲天幾爲蛟龍窟穴秋試改期二百年未嘗見此晉楚宋陳

遼人呼奏
才爲郎中

新文

延邊省郡無處不報災無處不請救飢寒洶洶誠可寒
心○倭并琉球虜其王聲取雞籠淡水侵閩廣朝議于
金山港開市東島商船藏以二十爲率事竣卽回海上
嚴勅舟師以待○虜入錦州屠戮遊擊李惟喬擁兵不
戰總兵杜松希圖冒功名爲鴛巢實今內丁中軍乳斬
塞內士民婦女郎中充數狀極慘毒是時士民六百餘
家皆爲夷鬼生員李天戌妹逢兵欲奸之願斷頭不願
脫衣而死遼人恨惟喬入骨縛草爲人書其姓名跪于
虜所殺死官民之前罵擊碎之旋置復擊李反以杜松
援引之力報功轉陞

張爾曰予囚是而有感于萬里遐荒之外武弁之惡雖隨其肉不足盡辜貴州永赤普市摩泥惡弁張神武掠劫淫姦殺變地方諸士之妻孥產業遭戕殆盡生員吳加臣因而請關請命爲其所執夾打至死貞生陸登歲鎮禁五年莫必其命竟無敢白寃者豈不痛哉

是年薊鎮地陷遼東地震江西福建同日大水淹死人
民各十餘萬山西大旱又民間產女頭面相連身體各
判異形怪狀從古稀聞甘肅地震如雷摧倒邊牆二千
一百餘丈壓死軍民八百餘人城垣衝舍傾壞無筭山
東蝗旱畿南眞保諸處皆大旱赤地千里○福建鄉試
臨期大雨以十二日爲初試浙江初試日大雨水滿三
尺士子多爲校死

庚戌萬曆三十八年

正月大學士葉向高請皇太子及福王出閣講學不報左副都御史詹沂祭酒周如砥相繼封印出城事聞上命各冠帶閑住

二月會試以吏部侍郎蕭雲舉掌翰林院事王國充主試官取韓敬等三百人○南京御史劉蘭奏言議論多岐器譁乳政負病含垢藉建白以遮身藏頭隱形冀詭遇以欺世若吳道長等類是烏測之墨也葉向高之不可去李廷機之犯公惡此耳目之所共明顛倒事情眩惑視聽若守倭等類是駢枝之說也金士衡老成持

神廟時請
臣奏疏有
極其痛快
者亦有支
離穿鑿者
總之十九
留中故諸
臣皆意極

重見義。公為段然修潔自好。人所共信。奈何妄議者。便
已之私。乘人之急。不顧分義。圖為箝制。若錢策等類。是
含沙之射也。身凡失足。且從旁而救破。既言或及已。又
乘露而肆狂鋒。事體乖張。法紀倒置。若蔡獻臣等類。是
鳥窮之喙也。議謚一節。楊道賓集議于先。吳道南斟酌
于後。總得竣事。始有歸着。乃據拾浮言。混淆公道。徒徇
私意。妄騁機鋒。若鄭材者。是乳蛙之噪也。祛私懲躁。是
在皇上一轉移耳。疏上留中。

三月廷試。賜進士韓敬。馬之騏。錢謙益等。及第出身有
差。○工科給事段然。奏內官楊一魁。畏罪架捏蜚語中。

傷乞下

明旨懲奸以清積弊事下所司○戶部尚書

畢備卒

緒形貌不踰中人瘦若山澤之癯年九十二三府存問別歷三朝尚書四部大臣中尊而且久莫可儔焉吏部尚書孫丕揚奏留朝覲俸深各官一為朝廷存舊章一為地方省勞費一為銓部通選法下部知之

舊例州縣官歷任二四年即與陞轉于時仕路壅滯州縣入九年不轉新進士應選無現缺故丕揚設法題留

前遼總督王象乾報虜賊四五萬衆侵犯遼陽該地方道臣因立家未任一切戰守之具無人料理請勅該部另推就近才望官員立令到任辦濟邊防疏下部

皇明世宗憲皇帝
四川京師風霾殺天旱數作祟自畿輔至山東河南山
西巴蜀等處兩年無雨三農久廢蝗起河竭天鳴地震
妖異出現殊甚可駭上命發帑五萬冷粟十萬石賑
濟飢窘○遼陽巡撫李炳奏言達酋願去車價減貢夷
退還地界奴兒哈赤差遣火真稟驗貢本又續求回話
朝貢事宜炳以奴酋慕義相從相應准從以安反側姑
行緩宥的確事聞于朝部覆遂許之

高汝棧曰奴酋狂逞自李成梁趙輝以來三年不貢
安撫加至大勝長定兩戰其兵敗明積尸盈野乃
買馬練兵信賞必罰施以誘華人游立而斬乳父
殺馬牛以祭天統全家精兵提北關而窺廣寧日引
至兵壁我靖安撫顧開累石塞路閉口扼截山下隱
伏以待帝如對陣敵已離却一帶達子入內給堅甲

一利乃又勾串西夷彼亦何畏而求降我我亦何恃而
違信其降且就其來文釋之如曰我夷吃着穿用俱
望中國爵祿衣糧其安心已見又稱青天王帝神之
照鑒祖祖輩輩案卷俱存明背我以不得不賞又託
言草地人役知道甚麼隱然露秦首部部落群逞之志
辦我以不得不厚賞曩貢夷入關計一千五百名隨
從釋騷莫知其數今縱請十人准二人則尚有數百
人簡選而來是開門延敵藉寇兵而蓄盜糧也增火
不滅遂至燎原異日撫順之象大都隳于此不知邊
臣何故而遂許之

正陽門箭樓穴正陽門雄峙百雉卽季樓不能登且磚
石交砌卽祝融不能入况店棚一星之火始起甚微遂
能烟焰踰日悉爲煨燼蓋此門爲朝廷華夷御臣民而
設豈以皇上久不臨御故以此彰儆耳諒非可談于
適然之數也○ 上傳 聖母傳諭欽降銀十萬兩給

聖母仁德
如天

自○上○以○至○
陳○獻○昔○因○
聖○母○之○賜○
濟○而○然○也○
總○是○聖○母○
之○仁○德○

該部差官賑濟自春至夏雨澤稀少旱魃為災小民飢
僅故有此欽降因命務使小民得沾寔惠以仰體憫息
元元至意上復撤御前積餘及新到浙直稅銀共五
萬兩及中宮等各出費剩之資不等並給該部差官賑
濟又兩宮內外執事并各衙門及諸陵墳各門廠等處
各相俸資進助賑濟亦給該部與同前降銀兩分發○
大學士王錫爵卒贈太保謚文肅錫爵灑然若不勝衣
而強毅方正之氣觸事輒發延核士大夫遑巡扼損執
禮甚恭而意所不合亦不輕為假借憐才愛士推獎後
進如不及江陵奪情事起為吳趙二翰林營解至卒詔

數言足當
十齒言本
疏矣

直言有所不顧。及廷杖贖而送之。比及江陵。奪情出。錫爵乞省親歸。人謂州君不有父。而君顧省父。以形若短君。何責相君之深也。錫爵曰。吾自知有父。不知有相。君且相。君自有情。而自奪之。卽從吉。吾意其願之有泚矣。其後爲東朝事。密揭而入。取揭而去。微有人言。亦不知真僞否也。錫爵太倉人。○南京御史王萬祚奏言。御用監。各部備辦門殿陳設等木料。姑舉其卑中。一二言之。如三千斤之白檀香。三百七十株。丈餘之花梨。二百二十株。丈餘之紫檀。一百二十株。徑尺之烏木。二百二十株。長二丈。徑二尺之鉄梨。長五丈。二百二十株。之川楠。六十五

上用粗面
下得其精
上屬少而
不得其多
上欲然而
下受其其
刊語語的
隱字字透
弊

萬之貼金諸如此類皆海外嶺南之產樣式甚大不比尋常無論湖閩部庫之銀不足卽足矣必至非刑拷比使百姓納銀于官司若絆商人令貿易于險遠則無歷無翼之物何繇登重屋華廡之前况粗爲上用精人私囊其二三爲上用其七八又入私囊該監享實利聖上受怨言深爲可恨○大學士葉向高以章疏不下東宮不講讀枚卜不行起廢考選邊餉皆置之不行屢疏求去台省遺書向高責其不能率九卿勲戚每日伏闕慟哭于宮門又欲其以死爭之向高曰伏闕事我朝兩見未嘗一聽每次杖死數十人大損正德况正德

善哉事之
不可過激
也老成之
言固多不
體同

嘉靖間止爭一事其餘盡置不講今之事多矣將何所指乎抑將槩言之乎毋論上之不聽也幸而聽一二事矣其他之不聽者則又將伏闕乎久之亦以伏闕爲故事矣則宜該部連疏苦請而躬于文華門候旨稍如伏闕之事冢宰以下咸以然故衆喙遂息○淮揚巡撫李三才上疏乞休其疏言曰臣于八月初三出示停止文移令淮安府收貯候代者批決擬于八月十二日移駐境上不意臨期病篤寸步難移又復中止惟皇土憐而赦之于是南道糾之曰三才明以不欲去之心佯示不欲去之狀其聲言移駐者不過以激下官小民其

水情氣魄
八牛摹出
三才伎倆
強押不周

駕言病重難行者。且併以欺陛下。又曰。不言去。則不見其恬退一移去。則不可復返。是以謬爲榻上關留之數語。形之章奏。冀以結此套局耳。○兵科職方司郎中錢策。劾淮撫李三才貪汚已著。并劾南京工科給事金士衡。戶科給事段然。黨附三才。乞一併罷黜。三才被論以來。糾者保者紛如聚訟。勢若對敵。繩引蔓延。卒無寧期。總之三才見義必爲者也。如魏允貞之含冤。則申救陳增之壽民。則摧挫。權奸之誤國。則斥逐氣魄。才情儘堪揮霍。然檢押不周。防閑不密。酷好古董。出于天性。以大刀濶斧之精神。責以皤然不滓之純操。不能矣。士衡段

即行古重
點出三才

國服一給
征中肯策

二部關係
皆急

防機社漸

然力保三才而科臣劉時俊與金段互爭日譟因爲荷
拉故策有是疏○大學士葉向高請補戶禮二部尚書
蓋戶部事務最急者如各邊請餉無人給發各處解銀
無人批收如咽喉哽塞一切飲食出納皆不得通最爲
困急禮部則頒曆賀冬皆其所典如進貢番夷六七百
人遂至停滯不能發遣留一日費光祿寺一日供給此
關係最急故屢請○吏部侍郎孫繼皋卒贈禮部尚書
高汝斌曰繼皋無錫人時妻江有女仙化乞爲之傳
卑固謝不敢謂無神仙也又曰人主春秋方開盛事
出大臣家勢且上聞吾恐受期羨門之說從此興
矣人服其遠識

十二月二十四日 東宮第五子生是爲今 上生母

選侍劉 是為孝純皇后

高汝斌曰崇禎七年十一月右諭德許士柔上疏言
帝王之世系不可畧實錄之掛漏不可解本朝實錄
即古帝王本紀史家編年遺意也其中提綱章目最
重且大莫若聖明述作世系相傳之際故總紀之則
父子毋后之倫書之必其倫分紀之則兄弟同官異
寢之序書之必其明惟明且倫乃為實錄此定體也
聯宗原錄萬曆三十三年乙巳十一月十四日先帝
第一子生命廟諱某孝和皇后出此是廟首生之自
所當書也後三十四年丙午十二月二十八日先帝
第二子生命名某孝和皇后出追封簡懷王三十七
年己酉七月先帝第三子生命名某選侍王氏出三
十八年庚戌十月十六日先帝第四子生命名某選
侍李氏出凡諸王遁生之自所當書者也迨至我
皇上鳳乳龍興之瑞孝純皇后初天懷日之祥
實在萬曆庚戌間則聖母族所自出封號所自隆錄
中國當詳載皇上嫡教之年聖誕之日定名之與
潛邸之統錄中尤當表明蓋必如是而後倫脩序明
今開實錄有弗可解者則問以皇上嫡教之年聖

誕之山不書也。命名之典，唐邱之號不書也。更考聖母，自何氏族受何世號不書也。而且編及諸王之生，與所生之自花萼相輝之盛，焉鴻華向之仁不書也。所書者，三十三年乙巳，先帝第一子而已。夫先帝實生五子，而何以獨紀其一？皇上實有四兄，而何以竟遺其三？使諸先帝實錄者，謂聖躬之誕降，果何辰？謂聖母之發祥，果何姓？謂其間花萼相輝，映者更果幾何人？是使聖朝父子母后兄弟之大倫，皆缺而不書。晦而莫辨也。職所不解者，此也。又曰：宮闈更有大典，今日不容不著明者，孝元貞皇后先帝之元配也。邇以正其終，今錄弗書也。天下後世考先帝配元之始，將何徵也？孝和皇后燕廟之所鍾發也，在承寧恩矢之辰，業已千萬曆二十四年三月書封號，以著有初。至景殿驚霞之久，必當以萬曆四十七年三月書解御。月若有卒，今又弗全書也。天下後世考嘉廟發祥之始末，又將何徵也？至孝純皇后之解御，日月已載諸祀典，而其年勿著于錄中，此又當職載者也。職所謂總紀之，欲其條分紀之，欲其明者也。此係世系言之，極其詳，祇敢修錄之，以待修史者焉。

辛亥萬曆三十一年

正月吏部請考察日期、兵部請考選軍政考察日期、原
擬正月二十八日、聖諭以在二月初二逾數日、又不
下、院部待此、旨以自陳行事、南京待此、旨以一體
考察、既已遲延、必至耽悞、至考選軍政、以上兩月、未得
允發、外弁乘之而爲非、人心因而疑駭、豈可泛常視之、
而不以爲意、○南京刑部尚書李楨不候命下、擅自出
城、上切責之、舊制大臣四品以下官請告、每一疏卽
允三品以上請告至再疏三疏至四疏五疏而極、並未
有十餘疏猶不聽者、年來大臣得請者百無一二、如輔

臣李廷机部臣趙世卿皆羈留數歲疏至百餘困苦無聊人人嘆息廷机又屢次叩關莫回天聽情極計窮此李楨所以飄然長往也

高汝斌曰嘗觀神廟時大臣數被攻擊稱病求去盡廢面議聞命之日促裝就道早夜啓行帷車而去故舊官僚或不及面具疏辭謝遲遲自謂得請故作出樊之想皆內含悻憤外示狷潔既非人情亦非臣禮吾甚不取况未奉君命掛冠而去乎楨雖重病不能步履然而擅自去職迹于無君矣不知在高帝世宗時果何以處此

兵部尚書蕭大亨卒贈少傅兼太子太傅久歷邊陲延攬諏度凡地形險易軍儲贏縮將吏能否虜情向背皆洞若燭然當西陲主戰東事主款皆與石星抵牾雖

嚴旨切責而卒不奉詔其持平秉公類如此。

大亭臨清人○

御史喬允升疏叅錦衣衛掌印都督王之楨因聖躬違和親提禁兵權傾內外安危利齒包藏禍心大小臣工危疑惶眩莫知所厝疏入下部查問。

四月十九日怡神殿災怡神殿者天子之

宮也上應

勾陳高殿深遠一燭之火亦豈能燎而竟燬于一夕。此必有神物憑之當其烈焰方張人力莫救內震慈寧外走百執下動六軍萬民都城如沸舊歲皇極門城門箭樓一時俱燬今怡神雖係空殿然去奉先甚近祖宗之靈不無震驚未可爲細故而忽之○用京御史張

養正奏承天守備太監杜茂不法諸狀自承天有儲監
郢人呼爲太府從來閭左齊民性命家產任其蠶粉罔
不如意間能勉強支持不受傾軋者一二青衿而已自
杜茂入境倚藉璽書虛張聲勢知縣李來命講禮不
合以茶扛事陷之罷歸擅造三百斤大枷枷死陳鑑等
十餘人校丁陽忠等犯該大辟借旨威迫府縣悉從
寬假凡諸生有完租細事語言相觸者輒便責奏司房
簡繡等以數十萬家財豪于里欲邀諸生色笑咸鄙不
與遂耽耽虎視怨結心傷乘陳奉入部激變遂請族杜
茂以鼓噪爲名陷生員范宗周等二十餘人進首就迫

王康國賢
也亦有
六偏護耶

家破人亡，織成數百年未有之獄。縱指揮校尉大肆掠殺，守道萬振孫幾于不保。一時守令飲恨吞聲，疏上昭中。○大學士葉向高請留北直隸、山東、山西、河南稅銀一半，令地方官多方賑濟。許之。○命削御史金明時籍爲民。明時奉命巡閱吏部侍郎王圖之子爲寶坻知縣，屬明時監臨。明時疏劾之，其中偶犯御諱，丕揚與王圖皆東林也。遂舉明時犯諱以聞。時閣臣向高知之，三次移書勸止。又命中書官取出其本，而丕揚堅執不肯從。且有怒言，不得已聽其自上。日暮時，中官送本到閣，傳聖意甚怒，卽令定罪。向高曰：「一時失于檢點，非敢故意。」

向高此等
足見其
心寬恕

輕忽不足深罪。卽有微罪，亦當下部議。問臣安敢定擬。
內官謂如此，則不敢回奏。往復久之，乃去。次日，文書官
復至閣中，令傳諭，謂明時一疏，兩行之中，干犯者再不
容輕忽。閣中如何不肯定擬。向高再三爲解，始擬降級。
再下改票削籍。聖怒始釋。是時明時亦惧有不測之
禍，托人言于向高曰：苟得脫身，削籍爲幸。自明時削籍
論丕揚者藉藉矣。

五月京城大水，霖雨連朝，長安門一帶皆成。長河水深
五六尺，輿馬不能行。時春夏久旱，二麥無收，正喜得雨，
又復過當，苗稼盡爲損傷。○吏部尚書孫丕揚上疏乞

休。上出溫旨慰留，并蕭雲舉、許弘綱各不允辭位。時王圖爲吏部左侍郎，北察凡非東林者必去，史繼偕爲南京吏部侍郎，南察凡非東林者必留。先是史記事，考察典未行之前，極論內閣目時行、錫爵一貫、廢廷杖、汰鉢相傳將及顧天峻，并論沈思孝、周孔教等速察典。既舉，御史金明時名在察中，乘留中未下，遂上疏攻王圖，并及其子。又波及史記事、徐縉芳。又疏攻圖及李三才。顧憲成丕揚怒，明時撓乳大計。先以疏中詞犯御諱者，明時罪。明時復疏攻掌察科道湯兆京、曹于汴已而奏。崇禎攻王圖以救明時，舉朝分爲二黨，群起交攻。

東林者以王圖顧憲成李三才爲戎首攻之者金明時
秦聚奎劉國縉鄭繼芳朱一桂王三善周永春徐兆奎
姚宗文高節王萬祚張鳳彩趙維成徐紹吉歸子顧馬
從龍周達王紹徽張延登趙興邦元詩教孫光裕田生
金吳亮嗣官應震劉廷元張鉉毛一鷺趙宗孟韓浚金
汝諧劉光復攻非東林者以顧天峻湯賓尹蕭雲舉爲
戎首攻之者史記事李炳恭湯兆京丁元荐徐良彥馬
孟楨吳忻吳炯張養正喬允升沈正宗洪文衡李邦華
曹于汴吉人賀辰李朴錢春周起元劉策李徵儀宋若
吳良輔魏雲中孫居相劉宗周朝廷秉訟者幾年至今

未息○工部侍郎劉元霖言錢法凌替謂私鑄之禁以其與國家爭利權也惟平價以示銅商買無憚于官買而私買者自息

八月遼東大捷兵部請先發銀二萬給賞不允○南京戶部員外曹師建接管銀庫清查西庫該銀一十六萬零止存一十四萬六千內少銀一萬二千尚有老庫未盤事聞上命離任者聽勘待贖有歸着後分別輕重議處東西老庫三庫錢糧不下數十餘萬歷來相沿舊規未有差滿不交盤者而起自荆之琦之琦聞計告歸接官劉可法亦付不問及可法滿而史啓元周崇惠莊

毓慶陳幼學、鍾襲不一清理。茲師筵與幼學交代，竊得就裡破綻，銳志厘奸，乃始覺察。在蔣十餘年，祇憑紙上空言，百萬錢糧竟爾委頓，法紀廢弛，弊孔多端。一至于此。○御史張邦俊請增浙、閩、秦、魯四省解額。比歲南北畿以選貢不常，時有增減，而貴州文學浸盛，奉旨廣厲，特增五名。遼東亦增五名，則浙、閩、秦、魯極于常例，不稍為變通，非所以為平也。邇來鼎甲之盛，莫如閩，元魁之盛，莫如浙，宰執之盛，莫如關西，而齊魯得雋南宮者，獨甲于江以北，安于浙、福，各增五人，北、江西之額，于山東增五人，比河南之額，於陝西增十名，比廣東之額，事下。

部議

九月兵科給事宋一韓請皇太子出閣講學皇太子春秋十有八歲輒講讀者六年閣部臺省諸臣屢請茲宋韓疏及不報○朝鮮連歲送還漂海人口盡係通倭之徒兵部覆准盡發西北極邊充戍通倭一事利害最大初間猶是好恨射利扞罔今良民且爲之積漸不止非但倭能禍閩浙閩浙人皆倭矣閩浙當事者亦條陳其意部以此輩法當重處以閱說者多故不得已循例發回本省御史李邦華上疏以言此輩明係是盜本國甚受其害若發回本省是送之還鄉爲害何已其言甚切

請上御殿
延光聲臣

充戊極邊人心快甚

十月 皇上靜攝將二十年臣民思覩已久時惟孟冬
禮室頒曆閣臣因上揭奏請謂 皇上御極頒曆已四
十次而 聖壽適逢五十 聖母又將屆七十乘此頒
曆之期御文華延見群臣維新庶政 上竟傳免○工
部請 皇極殿門擇日墜柱以便明歲接續興工時左
右二門已建 皇極門以方向不利緩至于今做成木
料日久漸朽一木之費常至數千金甚爲可惜今沍寒
已迫工作將停若不趁此時擇吉墜柱年復一年更復
陰陽拘忌則建愈爲無期工料付之無用當此匱乏之

時豈堪此哉。○兵部尚書李化龍奏請延綏大提與薊鎮宣大閱視功次故事閱視之典三年一舉以激厲邊將前此一番已經寢閣今次名為三年寔是六年閱歷四次發擬俱復留中且九邊一體不可異同甘肅之捷功敘而延綏獨否陝西之閱視已敘而薊鎮宣大獨否此非但人情因此厭望而揆之政體亦似不平兵部屢請開揭繼之其如天聽之高何哉

此番所敘總督如塞達馬鳴奎劉四科連標霍鵬等已物故河清難候人壽幾何可勝嘆息

十二月 上以遼東緊急命戶部發太僕寺漕折銀十萬兩太僕寺發班價銀五萬兩南京兵部借銀八萬兩

王貴妃即
孝和皇帝
結髮婦也
後遷東時
甚有益于
遼

戶兵二部共七萬兩赴解以爲募兵充餉之用并命移
復屯田以助兵餉 聖上計及遼餉嚴勅加意屯田其
聖明之遠慮但諸邊告急奴虜又最強而可慮年來奴
之教訓已久選士練卒非丁壯不列行伍法在必申賞
在必行苟騎射之精工解裝而衣割愛而妻無不得人
之死力邊臣忘其奮禦忽其易與遂釀釁端是以嚴旨
申飭怠緩○ 皇太子生母 皇貴妃王氏薨○ 趙按
遼東御史熊廷弼奏請行屯田法自誦以常平法積穀
至十餘萬而繕城砌臺修濠築牆爲遼人建數百之利
上溫旨褒答

高汝栻曰：屯田之法，雖屢旨督責，何人舉行？熊廷弼
 常曰：那曾有履肯做得一事者？真可嘆也。外臣凡百
 不足，祇請內帑。此在皇上。同官請發以濟一時之
 急，然為國家而專業內帑，豈是長策？古人有屯兵十
 萬，不濟斗糧者，屯法行也。以九邊百萬之衆，盡仰給
 于轉輸而絕不講求祖宗養兵之舊法，此真可謂窮
 哭而流涕也。

陝西臨洮降夷家乳牛產犢，人頭人面，俱紅色，金毛金
 眼，人口羊耳，牛蹄牛身。又本夷殺母羊，腹內剝出羔羊
 一隻，人頭人面羊身。○山西繁峙縣曲河都上寨住人
 李宏臣妻牛氏生二女，頭面相連，手足各分，一女一眼
 一耳，四齒兩手兩足，一女一眼一耳四齒一手兩足。
 高汝栻曰：草木之類謂之妖，妖猶夫胎言尙假也。重
 身之類謂之孽，孽猶牙孽矣。及六畜謂之禍，言其諸

也。惟人謂之病病，病貌言深深也。故此女怪謂之人，謂其失異在牛羊妖孽之上。

兵部尚書李化龍卒，贈少師，謚襄毅。化龍在遼連破虜，以斷倭首尾，卒以破倭。既又平播，拓地數百里，至治河，秉樞苦心深計，隱然稱中朝宰，不為播旣平，上問輔臣五等之爵，輔臣執議謂此典久曠，有三中丞六七大帥莫與適也。事遂寢。卒，年僅五十。

化龍長垣人，帶最魁傑，音吐如鐘，四夷觀聽，形神俱寄，器達大度，有客人之致，雖僮僕不妄加模貲焉。

壬子，萬曆四十年。

正月，掌翰林院王圖給價回藉，北察告竣，與論藉藉秦聚奎復繼金明時議處臺省，咸謂鄙夫眼熟，為王圖勸。

攝冠而去
者大臣中
已三四見
矣不但非
國體亦豈
宜哉

進以希首功國是以請假歸既而孫丕揚蕭雲舉許弘綱俱去群臣離散皆以察典之故而說者謂王圖爲禍胎云○兵部奏言考選軍政業已及期 旨未蒙下總係王之楨一人爲梗舉朝憚之不敢動明知爲大姦而不去如 祖宗之制何又言之楨久爲其父所怒絕無父之人何知有君妖書之事陷害周嘉棟毒深禁衛禍生肘腋甚可畏也○吏部尚書孫丕揚疏懇乞休不允掛冠以去○禮部奏福王藩封典禮殷煩乞早定吉期以便治辦 上曰福王之國期在明春○以趙煥爲吏部尚書○南京中和橋馬草場積典舖戶草堆火起燒

草五萬包。蘆蓆二萬五千片。杉槁二百根。又延燒積典草堆計草二萬五千包。蘆蓆一萬二千五百片。杉槁一百根。兵部奏言草者軍馬之性命也。戶部發銀鋪商領買一包價銀一分一厘。每虛報堆數至放日賤買軍需抵塞。然前草未完。又希圖再領。後價以完舊價。舊未得完。而新仍掛欠。年久數多。溜雨積爛。放未及半。露出荒原。不得已而鬻產以賠之。賠之不足。則逃逃不能脫。則死獄。一人逃。衆人共賠。計出無聊。于是付之一炬。以滅其迹。但曰天火。此救留都人人知之。亦人人切齒。二十五年金川門草場報火。三十八年本場又見告。是視倉

場御史請下法司推詳鞠究。照邊場事例以徵後來事。
下所司。○雲南巡撫周 疏言米府庄田爲害以爲
此事不處。則滇人不得安生。乞歸有司代徵。下部覆准。
黔國庄田子粒。以庄丁爲盜之故。滇人甚苦。該省撫按
屢爭。是時議以雖不能據歸有司。令有司定其租額。毋
使重征。偏其庄丁。毋使爲盜。是亦救偏補弊之一策。下
部。令有司代徵米復懇自收。明旨將允。是前後相違。
人情亦將搖動。生變。開揭斷以爲不可。○禮部左侍郎
郭正域卒。贈尚書。謚文毅。正域爲人正直。不爲人請托。
然見同阨者。必救。妖書事起。告歸。舟阻水遲。卒聞之。忽

一卒上舟云。九卿意在大人。請自裁。正域曰。卽有不可知。當一言而死。何就草外自屏。又想李卓吾不勝匹夫之憤。引書刀自殺。生平說無生。講最上。而小境當前。便墮溝壑。道安在乎。使其處處難死。生當無異安常履順。故不爲動。事後卒解。

正域江夏人

○命法司審究罷閑大同

銜所鎮撫史晉。部院以晉違禁妄奏。撓輿察典。奏聞。

上命加號一月。發口外爲民。晉浙江餘姚人。原充陝西漢中府推官。宋一韓書辦。及一韓歷陞兵科。賁緣武職。至三十九年。一韓以浮躁降謫。晉亦被斥。欲圖報復。遂上疏疏中蔓引株連。由大察至庶府。無不醜詆。且遮捏。

仙叟夾雜怪誕當堂考晉作疏一字不通則前疏決非
自作因究主使之人意在一韓晉固稱與韓三年割別
音信不通嚴鞫不承罪止晉一人而止直隸等處監稅
魯保卒撫按題請裁革上命歸併馬堂待三殿功有
次第奏請停免馬堂原任札天津一聞是命竟發牌上
任以此爲利附堂者復藉堂爲利先是在臨清肆惡咆
哮人聞其風魂魄銷阻由淮抵陽虎而冠者創肝益膳
奮爪磨牙所過無不抄搶邑鎮爲之罷市鹽商逃竄山
陽等縣門被其打壞縣令逃匿揚州城門數日不開父
老赤子呼天振地巡視江防御史恐激變地方疏請撤

回天津、不報、

五月副都御史許弘綱、開列台臣缺乏各差緊急之狀、以聞、不報、○溫肅端靜純懿皇貴妃王氏發引、○陝西增解額五名、陝西增額開端各省接付○兵科給事

疏奏錦

衣衛王之楨、注籍已久、斯時借名撥派、突出視事、臨朝儀杖、圍宿燈子等役、玩違侮慢、全不成禮、貴妃之殯、久沉不發、而發引之儀、亦復簡慢、加冥器錢糧內監、冒支鉅萬、及至發引、粗惡不堪、墳工所費不貲、盡爲內官穴竊、其中冒破塞責、喪葬大禮、奸帥關人、欺罔侵漁、事聞、上一槩懸閣、而帥暨反得庇護、輕重不倫、大爲中外不

內監段駟
馬
其甚焉
之義明也

平○河南巡按曾用升劾周府承奉徐進橫行無忌殺
人以逞種種惡態疏入不報

七月內監趙進朝與梁盈女段駟馬都尉冉德讓於府
中既而復駁於朝門吏科等曾于汴疏劾婦寺恣橫已
極懇乞奮乾剛速正典刑不報進朝駁之于府也公主
倉惶往救進朝動屬無恥至今公主造室跪謝德讓八
日三疏皆不得達究其故巨璫盧受李恩用事進朝以
數十箱金寶餽之因而壅蔽多方阻絕進朝反得卑詞
膚受上第知兩璫回覆東廠奏報而駟馬屢次避殿
與教習官賈之鳳御史耿鳴雷各疏言國體凌夷之極

皆不得上達是以駢馬掛冠于長安門而進東廐以聞
上大怒下旨切責錦衣衛尋訪奪其父職爲民併討教
習主事賈之鳳俸

八月各省主試官未得旨俞試期更易

應天試官之至已在八月二十日改二十二日爲第一
場二十五日爲第二場二十八日爲第三場浙江各
省無不易期
亦變局也

代王鶴勾奏稱于嘉靖四十四年冊分新寧王奏選邊
氏隆慶四年冊封爲妃後病故無出繼選張氏封爲內
助邊氏在病臣納侍妾裴氏於隆慶五年生庶一子遂
先邊氏一年卒臣兄定王題作張氏所出賜名內渭後

張氏于萬曆十三年生第一子緣前已報一子故作第二子奏報賜名鼎莎後臣兄薨封臣為代王張氏隨封為妃是鼎莎為嫡請立為世子 上命行撫按查勘

按代王元配無子解人素生鼎謂王以其母處令去張氏母之張有寵遂為次妃後生鼎莎茲兩人爭嗣關臣李廷机在禮部署事時王立鼎謂故刑曹郎李春熙等請机遂有立長之說王立鼎謂故刑曹郎李春熙等請速廷机之去以存國體以謝人言鼎緊藩國而廷机即出都待命 上猶批發舜疏擬留業向高時以楊建言机已出都 上甚怒司禮亦不敢言後見楊釋然下溫旨以慰之行

九月大學士李廷机得 旨回藉○以翁正春為禮部尚書○四川建昌夷獮作亂

十一月十一日以長至節賜群臣宴○南京兵部尚書

邪玠卒贈少保玠在陝西當治兵靖虜舊有穴官以旣
脫地不爲禁姦民數其中潛通虜驛駁若枚升矣玠夜
集兵馳圍之擒其惡而降其餘焚廬封塞而還甘州孤
懸西鄙五國錯處多反側玠設間謀毋先知番夷動息
以亢亢夷犯土窰則出精騎馳擊之擒斬數十還其歸
路夷下馬乞哀水塘地斗絕塞外兵民芟草積其中莊
酋時竊掠玠以蓄餌之虜益深入焚燎四合先于水口
設伏以待虜見火驚走礮弩齊發擊殺數十人別部署
攝史車屬夷二酋也爲東虜朝免誘出邊復掠火焰堡
督府懸賞購之玠計虜王方求市急可借以要也使入

告虜虜卽聽許移帳近邊給史車來會事突出伏兵縛
之傳諭赦其部曲獨獻犯堡殺人者而貸酋以不死至
于朝鮮之戰不能無說再詳訂之○日本冒琉球貢海
上福建巡撫丁繼嗣奏言倭將明徵琉璃挾其代請互
市又閩越亡命郭安國亦寄書其家賄指入犯之期其
檄與書語多狂悖時琉球已爲倭所併其貢使貢物俱
是眞倭寔爲窺覘中國閭閻受其常貢徂其倭物論來
使以後勿來直俟彼國平定然後再處屢擬屢寢 聖
意真不可測○奴兒哈亦殺其弟速兒哈亦并其兵伏
使兀喇諸酋時虜中降人驅百馬入塞遇餓虎三四自

林中突出、搜其半以去。○南京御史王萬祚奏爲福王
年齒已長、山府數年、不令之國、以營建府第尚未完工、
今工竣矣、一王就國、則完一大事、陛下一念安矣、乞將
分封一應事宜、諭大臣盡數舉行、輒日就道、不報。○御
史田生金奏告廟宣捷、肅皇帝時、邊臣保首領者、十
不六七、受世蔭者、十不二三、今邊臣不以捷聞者、幾何
人、其不獲世蔭者、幾何人、豈今之邊才勝于昔耶、
南京督理鹽政御史傅宗皋條奏淮南鹽法、請復京掣
事宜、大明會典、開載京掣一差、與南京石灰山有關龍
江、批驗有所、南京大小官員、九月折俸、有鹽事皆與掣

關係亦甚
大當事者
弗得藐視
之

鹽相關皆是國初以來事。非嘉靖年間。巡鹽例行也。况
詢之沿江居民。稱從前開掣鹽船泊內河。不受風浪。從
無漂沒。自二十一年罷改後。商船初泊青山。後灣浦口。
皆徇徻大江之中。四無抵岸。風濤不測。萬曆二十三年
六月。黑風大作。沉折鹽船一百三十餘隻。淹斃人命數
百。溺沒商本十數萬。一時船戶商人。皆呼天振地。願伏
京掣。是以宗臯題請。直隸御史彭瑞吾爭之。宗臯以其
越局兩相奏辨。後其章雖下部。卒中止不行。
御史曾用升言。河南宗室之橫。苦于法之無可施。窮于
法之無可變。請設策禁防。

皇明續紀三朝法傳錄卷之八

聖湖 高汝拭 輯

高鼎煒 校

癸丑萬曆四十一年正月戶科給事官應震疏奏閣輔
獨相之非向高力請推補乞休向高嘗云士大夫當利
害則共扯閣臣于事中當權任則共推閣臣于事外閣
臣空口空拳乃取天下事而悉加之于其肩少有不
莫非其罪嗟夫悲哉李廷機亦云近世君子除却建言
別無人品其爲建言除却閣臣別無題目言雖有激情
亦近似前者向高日請文華門叩首請補閣臣時上

已有補意而仍中輟○羣臣合辭上請福王之國上

命催取莊田四萬頃租銀十二萬使自行徵收時張家

灣以南沿河一帶行船皆封禁而南京差船二百五十

隻船戶數萬嗷嗷索食行期無定人情弗安是以羣臣

乞擇吉啓行早完大典

福府庄田

分封也定

官俸有必

割之屬

土田有制

雖寵受無

溢額之恩

彩

高汝拭曰藩封莊田祖宗朝未有過數千頃者四萬

頃之例始景藩二府今福藩奏討亦如是此雖難從

然昔中有查各廢府遺地照藩王見行事例之說但

舊廢地盡清以與王至民田必不可奪且細查藩王

租銀實數詳開奏聞據此為準上亦無以難也若

自行徵收則又祖制所嚴禁會典云親王原有額

設官撥布按二司督同長史兩平收受又曰王府官

員內使旗校管庄人等干預撥置并稱自差人下府

州縣催徵墾授者旗校人等發邊衛克軍官員內使

監候奏請發落若輔導及布按巡守縱容不舉并府

州縣聽從差人驗接者俱參
問、煌煌祖制、誰敢好之、

二月會試以大學士葉向高、吏部左侍郎方從哲、克王
考官、取周延儒等三百五十人、

首輔例不主試、况開止一人
入閣、原擬不便再疏辭不允、

○吏科給事梅之煥奏言、代事愈辨、愈明、邪說轉窮、轉
熾、代王之子、鼎潛當嗣、鼎潛不得奪嫡、此事部覆止據
母妾奏選之說、欲與鼎潛諸臣勘議、執兄弟長幼之序、
欲與鼎潛事關藩封、難以臆決、部復輯勘、卑議冊恭進
御覽、請行代府裁處、疏入、兩旬不報、諸臣大闕、歸罪先
任李廷機、及見任翁正春疏、內云、黃金有力、白日無光、

蓋指之矣。

三月廷試賜進士周延儒莊奇顯趙師尹等及第出身有差。○禮部請速行瑞王婚禮。桂王選婚不報時。桂王年已十七。瑞王年已二十有三。淑女之選已四年。閒館尚待。聚室無期。臺省言者數數。禮部催請不啻再三。疏屢不報。○革應天巡按荆養喬職。爲民提學御史熊廷弼。回籍聽勘。養喬之告病去也。有牙身孤危一疏。踰十日。又有學臣庇奸殺人媚人。一疏。上下其前疏。都察院復其後疏。業已奉旨。而其故起于湯賓尹與梅氏宣淫一事。彼時養喬甚不直賓尹。以通學諸生公舉呈爲。

是及廷弼巡歷回留而諸生復以公舉謁熊熊卽駁梅振祚之擬徒又駁梅宣祚之姦狀問革寧國府生員蘇望海等復杖生員芮永縉等永縉不日而斃事事與養喬相左養喬遂謂廷弼殺人以媚賓尹葉向高與謝工部書曰梅氏之事學使固無心矣然批駁文移當就事論事何爲而娓娓于他事乎彼當日之所稱烈婦者或稍溢美然果可與今日之淫婦例論乎是亦學使者之稍失于檢點也但以爲殺人媚人則謬耳○南道御史張邦俊奏惡瑞梁永虎噬于秦中高淮狼獠于遼左魚肉小民流毒遠近而咸寧知縣蕭朝薦廣寧同知王邦

上殿疏

此等事惟
完成鎮重

才憤百姓之遭荼毒剪其羽翼以示裁抑無非安靖地方而盡效忠之職分乃聽其單詞捏誣反置拘禁已凡三年茲者冀英再更猶然未蒙疎放非所以爲平也疏入留中○上慈聖宣文明肅貞壽端獻恭熹皇太后以年登七十也○下錦衣衛百戶王曰乾與其儕孔學於獄曰乾與孔學構摺入皇城放砲進本爲咀咒太子又刻木爲太后皇上像釘其目語多涉貴妃福王閣臣葉向高語通政司具叅疏與曰乾疏並上密揭此奸人所爲大類往年妖書但妖書匿名無可究治故難干處置今告者與被告者皆見在法司一審其情立見但當靜

若他鎮之
若少平喜
事草又不
知生出然
多秋節矣

前孫瑋已
去茲弘綱
又以人言
乞歸九列
空虛葉向
高烈疎置
之不報

以俟之。勿爲所動。動則反滋紛擾。上初覽奸疏。震怒
彷徨。真知所處。掀翻御按。左右辟易。及覽閣揭。則默然
沉思。天顏頓霽。將原疏手緘而積藏之時。皇太子在
東宮。遣內侍向閣臣取揭。閣臣對以。皇上旣置不問。
則殿下亦無庸更覽。內侍回奏。皇太子曰。葉先生良
是。凡危亂之事。宜付之不見不聞之中。尋御史以他事
奏曰。乾下之獄。都御史許弘綱乞休回籍。順義王
扯力克死。其孫卜失兔代。御史李若星疏其抗旨回巢。
尋嗣封順義王。

董其昌曰。兵法言。毋恃其弗來。恃吾有以待之。即有
傳何論。房受款之遲速也。以房之受封爲邊疆安危。

大計
并矣。

○召用原任大學士沈鯉入閣辦事工科給事張延登疏請王家屏沈鯉有立朝之節未竟其用上特召鯉并起在籍吏部侍郎方從哲禮部侍郎吳道南同入閣辦事○禮臣請福王之國之期俄傳旨云聖母七十
在邇留王慶賀禮成之國向高還封御札言皇上以慶賀聖母之虛名而行昵留愛子之私計不可福王又需莊田四萬閣票二萬乞卽行裁發并先以禮諭福王明春之國○慈聖太后聖體違和上日夜恭侍藥餌復虔禱穹蒼願以身代○奴酋圖其壻卜台吉

對甚

先傳策奴
者多有中
機會處無
奈二三之
見動機之

卜投北關金白二酋匿之奴酋益望南關曠土諸管諸
通告急以好語謝都御史張濤謂撫安等區收日久
請奉約新墾槩罷濤揣情形上書稱北關近開二畧其
一建酋求婚北酋老女北關不與而又匿伊通婿其一
謂金台失有女爲兄那林孛羅收養嫁宰賽反目金酋
故殺那酋妻卽宰賽乘隙挾求老女賄罪曹文煥盟北
關將援之奴酋計縻我兵以第七子巴卜海入撫順關
願留質廣寧濤甚侈其功奴酋度我弛備卽嚴兵圍燒
北關十九寨總督侍郎薛三才疏爭失策請先募二千
餘兵令原任總兵麻承恩曹文煥分統屯開原待其變

專決也
奴之取干
為逆皆當
有老有以
民之

皇上蠲減
一萬已見
愛民之經
福王又請
減一萬其
謙州節捐
為國為民
之美為上
下咸有休

皇明史傳卷八
頃之御史翟鳳翀新入遼疏稱奴酋意不在婿與女以
天朝作外夷撮合名汚而體棄北關勢必不支今日宜
急救以完開原奴酋又愬無他意時北關為西虜抄掠
部落苦饑投奴甚衆即金酋從兄亦往奴又甘言撫慰
給牛種詭詐莫測我以火器手三百助守老寨并貸以
豆穀千石給鍋六百北關始有固志

甲寅萬曆四十二年福王莊田原命四萬頃部以土田
不足奏上曰福王贍養田土量減一萬以稱體恤元
元至意其三萬頃命該部查報意俟其足以定啓行之
期後王以四方水旱頻仍九邊糧餉匱乏復辭一萬故

辜失出母
失入在凡
民且然况
宗室平前
代瞻仰在
此一舉向
尚相索于
前石光

部以一萬二千頃上奏云、潞王之國、田僅一千七百頃、較之今、已不啻六七倍矣、上不得已而允之、

二月初九日午時、慈聖皇太后李氏崩、○太學士葉向高等奏、刑部開列楚宗一款、當日訐奏楚宗、戕殺巡撫、自犯不赦之罪、即重加懲創、原不為過、惟是坐謀反、則人以爲冤、謂其當赦、上雖寬釋、時重辟者六人、諸宗禁錮者十年、今都察院王象乾等、議英嬖等二十三、人、俱禁高牆、蘊芳等二十二、人、俱禁遠處閒宅、盡宜釋放、○至善良被誣、仍復原爵、追逐混入者、懲創日久、亦量與養贍、一二不馴者、出而逞兇、不妨付之宗正、嚴為緝

約。上是而釋之。

請釋楚宗。談者相繼。宗伯孫煥行。亦謂釋之。則人言自消。恩詔擬稿時。合九卿科道。共至東閣。相見皆無異詞。故向高與方從哲。再三參酌。據刑曹所開。而條之。仍附一揭。言當日重處。原不為過。但懲創日久。當與寬宥。以示優卹。天潢之意。初未嘗與前事相左也。得蒙允行。真聖主如天之德。

福王之國

各省我額

民間賠累

各年困苦

已極前減

六二萬今

減去三分

一尚有

不為

三月二十四日吉期。福王之國。百官送于郊外。○上命各省額進稅課。准以每年所徵三分量減一分。以彰慈恩。卹民德意。其二分照舊徵收。分解進用。接濟急需。待三殿工有次第。卽行停止。○詔起廢遺。建言謫戍等官。分別敘用。○命存問原任大學士申時行。沈鯉。○上聖母徽謚。孝定貞純欽仁端肅。新天祚聖穆皇后。

任待手足
親親之義

勘議場獎

五月十五日潞王薨。祖制親王妃薨率遣內官弔祭給與勅書。若親王薨則無內官致祭之例。今上念親親之情命禮從義起。閣臣因擬勅一道破格攸恤。勅令王妃管理本府事免其奏請。上悅如閣臣所擬云。○禮科給事周永春、叅庾成科會試場隔房搜中情弊顯然。上以科場大典豈容奸弊。命嚴行勘議以肅紀法。湯賓尹係易二房所中廿四人內十七名隔房搜取首韓敬次王滌孫枝秀王宇王伉馮汝京丘兆麟陳應元趙昌期楊昌嗣馬呈德夏嘉遇朱童蒙史孔吉石惟楸楊之璋周士舉。○聖母梓宮發引。上以足疾未

皇明弘治傳集卷之三
痊恐弗成禮、捧請 神帛、謁告祖廟等、遣官恭代、遵奉

慈命、用人扶掖、攀送、因 命候拱宸、潔虔敬、慎奉行、

○大學士葉向高、六十二疏乞休、始 允恩禮有加、○

吏部會同都察院、科道勘議、庚戌科場事、擬韓敬不謹、

冠帶閑住、孫枝秀等、亟宜昭雪、周士臯、久已物故、免議、

上是之、會議之日、科臣余懋衡、備言賓尹避難、干杭

州之朱家、韓敬拜賓尹、實干西湖之昭慶寺、後歲時間、

飽不絕、賓尹心德之、遂場中、搜于徐鑒房中、謂鑒云、此

必是敬卷、誇詡得獲、至于韓敬窗稿、端首序出其情、卽

此是自供之券案也、復述長安歌、誣以實之、有一科臣

大斗湯韓壞科塲當治禮臣謂賄賂未彰且無實跡難
坐閑節而科臣置評不已遂議敬不謹冠帶閑住餘俱
議罰○以刑部郎中沈琬爲東昌守琬清廉素朴食未
嘗副衣未嘗帛每自嘆曰吾家自給諫登朝食皇祿
者三世茲承乏東魯受吾皇分民雖糜頂踵尚不能
報敢以身口上負聖明哉僮僕慕華者咸告去治民
以孝弟禮義爲先有訟至庭爲開陳曲譬令歸自省不
事刑罰後一年父老誠其子弟曰母生事以勞實太守
漸至獄庭生草吏卒不親獄具尋遷充東道直旱蝗饑
民相食恟恟思變各司道咸給假挈挈去琬并治各司

道事。出必載印累累。指俸借庫銀。以散饑民。民感德懷
惠。曰。寧死何敢有異心。三年麥稔。卽告致仕。民慟哭挽
留。家爲設祀焉。○奴酋益勾西虜。圖北關。而煖兔乘機
挾老女。北關願與煖兔締婚。蓋奴酋徂詐自喜。每發
兵以圍獵爲名。不知所向。流聞多賣蜂蜜。以餽糗糧。凡
五六歲。志不在小。議者率爲寒心。都御史張濤。愍通官
藉大成之言。以質于爲奴所輕。乃曰。北關開原本覲東
夷。參貂東珠之利。誘匿十酋。成騎虎勢。奴酋富殖遼人。
久爲所用。我師未出。彼防已預。此未可以虛聲喝。奈何
以極廢之兵。極匱之餉。爲北關守。老女適壻。且北酋爲

距廣亦遠

此以虛文
題我也

我守二十餘里之邊。東奴為我守九百餘里之邊。東奴
心失。又增遼陽九百餘里之邊。思是謂無策。當事者非
之。已而奴曾復耕前罷墾地。叅議薛國用。力主驅逐。會
巡撫郭光復。新蒞任。遂統集標兵。赴遼陽。示虛聲。奴兒
哈赤。遵諭退地。定界。將六堡退還。大書番字碑。陰有建
州夷部盜襲陽馬。奴曾即戮之于碑下。以示恭敬。

乙卯。萬曆四十三年。大學士沈鯉卒。贈太保。謚文端。
鯉。河南歸德人。其在揆地。率多踴躍。與元輔沈一貫。
互異水火。至待中官。尤峻。絕大。璫。馮保。張誠。張鯨等。
相繼長司。禮。勢。張甚。卒。未嘗與交言。授。刺。是以誣之。
阻。現。疑之。妖。書。佗。係。以。歸。至。四。十。一。年。特。旨。召。起。
疏。辭。年。已。八。十。
四。矣。至。是。卒。

○禮部郎中洪世俊疏奏陽和布令。儲教宜新。皇太子美質英挺。豈遽遜于夏啓。而講幄塵封。青宮雲鎖。此于遠紹之義何居。二祖當干戈倥偬之際。銳意儲教。而皇上以承平之時。坐令玩愒。此于法祖之義何居。皇上冲年踐祚。朝夕典學。今雖深居靜攝。而中外情形。洞若觀火。不示之以初年之勵精。但教以近日之暇逸。此于身教之義何居。帝王之學。不獨望其嫻習古訓。亦將望其練達政務。何不令儒臣敷陳古今得失之林。俾皇太子博通經術。而熟睹世務之爲愈也。且不特皇太子也。皇長孫年登十六。亦古稱出就外傳之

自風顛之
言出而望
大受張廷
等紛紛解
去其意深
生劉允復
奇貨元功
之疏上而
肅穆相牽
于無斷絕

時今皇太子以廢學爲當然則皇長孫以不學爲固然夫以聖子神孫茫然不知學問此可爲盛世景象乎疏留中

五月初四日有不知姓名男子持赤挺突入東宮門傷守門者直至前殿簷下爲內官韓本用所獲付東華門守備收之追其名曰張差次日皇太子遣韓本用奏聞上命法司提問巡城御史劉廷元以差言語顛倒迹涉瘋狂部審亦謂其氣極因顛而提牢主事王之宗于二十一日散飯獄中至張差詢之曰實招與飯不招餓殺你差見飯招稱張差是蘇州井兒峪人小名張五

兒父張義病故有馬三舅李外父交我跟不知姓名老公公說事成與你幾畝地種勾你受用老公騎馬小的跟走到一大宅子內有一老公與我飯喫語涉龐劉二中官因牽鄭貴妃之案奏言張差年力壯強不癲不狂有心有膽請窮其事戶科給事中何士晉上疏亦請究治上大怒命刑部十三司會審因提龐保劉成對鞫閣臣謂姦宄叵測行徑隱微請究主使之人因着三法司會同擬罪具奏

原任大學士申時行卒贈太師諡文定

萬曆七年入政府又三年江陵物故又九年謝政歸又二十四年八十卒始以進士對策按第一、一世宗

石對燕室

親製為第一、及拜相、先後召見書宮、肅宮、媛、閔、繡、德、宮者七、臨觀、渾河、命作歌以紀其事、其稱病也、上命中人及馮臚寺、宣諭、又命家宰諭留溫、旨上、手詔九、皆上親灑宸翰、中有教唐晉書、上詞中、渭、申、閻老、道佳否、時稱曰、閻老曰、先生而不名、八十存問、始終禮遇、優渥、文臣中不多違焉、

工部侍郎林如楚、請循祖制、織造停遣內官、以甦東

南民困、○四月廿八日戊午、上詣慈寧宮、太后几

筵、行告慰禮、悉召羣臣入見、上卽倚左門柱、設低座、

身俯白石欄橋、百官至御前、叩頭、司禮傳跪、上連呼

曰、前來各官稍膝而前、去御座不數武、上練冠練袍、

皇太子冠翟善玄冠、青袍、侍御座右三、皇孫及、

上垂拱將

五十年

如安樂茶

巴蜀古賦

今矣哉

一石咫尺

天鵬盤耳

咳嗽痰喘

學問之道

月

聖子神孫

聚于一堂

三百年

市南少

與才不

皇明法傳錄 上 三朝卷八 聖母升遐
皇孫女雁行立左階下。上卽傳諭曰：朕自聖母升遐，哀痛無已。今春以來，足膝無力，然每遇節次，朔望忌辰，必身到慈寧宮，聖母座前行禮，不敢懈怠。昨忽有風竊張差闖入東宮，傷人如此異事，與朕何與？外庭有許多閑說，爾誰無父子？乃欲離間我父子。適見刑部郎中趙會楨問的招情，止將本內有名人犯張差、龐保、劉成，卽時凌遲處死，其餘不許波及無辜，以傷天和。以驚聖母神位，尋執東宮手示羣臣曰：此兒極孝，我極愛惜他，譬如爾等。有子如此長大，能不愛惜？時御史劉光復跪于後班，於衆中大言曰：皇上極慈愛，皇大

溫慈之下
猶承無寵
殿意克仁
之寶贊同
異拜孔子

子極仁孝語未竟。上聞不甚悉詰問爲誰。中使以御史劉光復對。光復猶操南音聲高。上疑有他片之至。再光復不聞。上語復申前說詞氣益峻。上顏色勃改。連呼緹騎何在者三。無有應者。遂令中涓率下時承旨者見。上震怒挺杖交下。上戒無亂殿。但押令朝房待。旨從哲等叩頭言小臣無知妄對望。霽天威。怒稍夷。從哲等因奏。皇太子講學誠當今急務。上言此等大事朕豈不知。近因聖母之服不便舉行。因指袍帶曰。你每看我所穿何服。從哲等復奏。皇長孫出講亦當並舉。上謂此事當俟冊立之後。乃以手約。

聖心昭然
日月第星
臣私憂過
計耳觀此
等 听旨
雖然家人
父子不背
也

陳大受疏
亦未嘗直
指國太而

皇太子體曰彼從六尺孤養至今成丈夫矣使我有
別意何不于彼時更置至今長成又何疑也且福王既
已之國去此數千里自非宜召彼能插翅飛至乎因命
內使傳呼三皇孫至石級上令諸臣熟視皇孫俱
圓帽青服南面拱立上又言皇太子天性至親
祖宗聖母俱所深鑒小臣恣意妄言離間我父子真是
奸臣言之再三天顏稍厲從哲等又叩頭奏諸臣豈
敢如此時刑部侍郎張問達大理寺寺丞王士昌亦跪
在後復至前誦本內五犯名字上又曰止照本內名
數不許亂扯又問近侍曰彼為何官傍以法司名字對

皇太子心處
其相與皇
人之所以
不能無疑
耳。上曰
不許阻社
皇太子
曰不許株
連誠恐各
化招舉之
及也。
皇太子曰
爾輩為無
君之臣令
我為不孝
之子二語
極妙真是
失才心腸

又顧問皇太子。你有何話再說來。皇太子云。似此風廟之人。決了便罷。不許株連。又曰。我父子何等親愛。外庭有許多議論。爾輩為無君之臣。令我為不孝之子。深為可恨。上謂各官曰。你每聽皇太子所說否。因述東宮語。又連聲重申之。羣臣跪聽未起。上屢顧問。者曰。但有續到官員。一一放進。不許欄阻。以故零星突至。拜跪錯亂。時後來跪班者。稍居右。與帝座不相對。上又持皇太子面。稍從右問曰。你每聽我父子未。眾俯伏謝。上乃目從哲等。速作諭來。從哲等叩頭承旨。因奏。聖諭已明。人心已定。望皇上毋以此介懷。至

再上若為傾聽者時天語諄諄二臣將起復止叩
頭者三四次已起立上猶東向謂從哲等速作論來
無誤乃顧左右令諸臣同出

董其昌曰張差一事此國本之大竅後也當時罪人
既得蒲朝諱然使光考復執之堅而皇考又無辭
于外庭官府之間必有大不安者賴光考以恬處之
陛前解論不為窮治無累神祖之慈益顯光考
之孝矣

○命錦衣衛送御史劉光復下刑部從重擬罪部擬以
文武官非奉呼喚輒入儀仗之罪坐之上以擬罪太
輕著以面欺大不敬論死諸疏救者甚眾俱不得請○
決張差於市斃歷劉二侍于內庭事遂寢○降太常寺

少卿史孟麟、五級調于外、時張差罪案已結、孟麟復上疏爭之。上以陰懷險邪、故降之。駙馬都尉王舅上疏申救、劉光復曰：「御史當進諫、時言氣激烈、聲高膝前、寧暇計生前祿位、死後榮名、得旨拏問、遂成忠臣、死諫之名、人誰無死、光復歟、不朽矣。」又曰：「陛下調罪一御史、以震驚爲名、卽與後宮事無涉、可籍臣下乎、誤矣。」

上怒、以黨救、譏謗、革其衣冠、押回原籍爲民。○北關白酋以老女婚煖鬼子、奴兒哈未發兵爭之、御史王雅量疏稱：「向救北關、恐藩離一失、奴酋與煖鬼合、而遼不支。今奴煖爭婚、勢不驟合、而北關依強援于煖鬼、適爲」

中國利請設防遼陽以東按甲不動以觀奴酋進止奴
或不聽宣諭我督關兵陰約煖兔從南關入大兵從清
河撫順分道而東兼以東山之民張牙露爪思甘心奴
利其貂參順呼響應金白角之朝鮮我兵特之奴亡可
翹足待已而奴兒哈赤罷構北關獲全

董其昌曰奴之圖北關其意蓋在遼陽也借口于嫁
老女邊臣昧其爲鵠蚌而恬不知儆卒中其謀惜矣
丙辰萬曆四十四年潞藩女主當國請莊田自行營業
不許潞藩租派楚地者征解原派有司因見福府贍田
之局未結遂有是請撫按交章懇奏留中而潞藩之疏
亦不行○京師大雪

無錫有紅黃黑三色雪。城中瓦屋大小人家俱有。巨人之跡。杭州清明後六七日。城內下雪珠。潑人逢窗巨。

二月會試。以大學士吳道南、禮部尚書劉楚先充考試官。取沈同等等三百五十名。

沈同和吳江人。家饒。阿堵已彰。物議會試放榜。居然首選。其鄉里下第舉子憤憤不平。或泥汚其名。或聚衆聲鬪。及閱墨卷。首執時刻也。於是科臣恭其懷。檢而本房亦具疏檢舉。士論開然。遂被及同邑第六名趙鳴陽。上命禮官覆試之。

三月廷試。賜進士錢士升、賀逢聖、林許等及第。出身有差。○禮科給事中官應震奏言。福藩之剪桐也。田二萬頃。分派於河南、山東、湖廣。屢旨令行官業。不許擾害。

業有明旨而福王禁授亦有令旨近見各撫按具疏
言遍地貂監成羣小民如赴湯火其保其命乞諭有司
代征以安上下官民之心以免意外叵測之禍并陳三
說一日情愛不可偏溺二日貨利不可偏殉三日閭人
不可偏任疏入不報○京師大旱上勅禮官竭誠感
格以祈天澤

高汝拭曰上天譴告不一而足遼東火後伏候系妖
湖廣又有兩顧之異塞下之勞挾實方駭乘虛可慮
而都城內外左道盡行人心煽惑紅封太成等教通
滿地方此非細故君臣不能一德交儆廟堂不能和
氣互修而日泄泄焉青承角帶禁
屠止沽徂以為常祇恐益之疾耳

○削會元沈同和為民井黜進士趙鳴陽同和復試之

開國以來
未有會錄
無有者乃
始見于今
日百大也
辰龍也故
影曰大龍
無道

日禮部出明君必恭儉以禮下同和問曰是書乎是經
乎是論乎其座師大怒曰暮几于曳白於是發刑部訊
問杖而徙之其卷皆趙鳴陽筆遂削其名是科會錄無
元吳人爲之謠曰丙辰會錄斷么絕六以鳴陽中第六
名也○福建巡撫黃承玄遣義民董伯起同李進葉貴
傳盛出海探倭爲倭所留明年以計給之遂歸板以爲
海口裨將○陝西道御史劉廷元奏今年各處天鳴地
震時時具見咎徵亢氣狂風人人知爲凶兆卽日食暮
春亢于純陽近者白晝隕星日色無光又見告矣因言
當戒諭福王并瑞王刻日完婚爲諸王陸續選擇以冒
皇明法傳錄

修再天變時 皇太子十餘年不講學瑞王年二十五
不婚惠王年廿二桂王年十九不選婚獨福王隨請隨
報屢請屢報况其請也多非分之希求而其報也多不
經之寵賚如鹽店則請鹽井則請蘆田則請沒田則請
茶稅則請馬店則請竹木炭廠則請天下之利權欲聚
于分封之一人其孰甘之至貂璫如李浚劉拱馮進朝
革鳴張于輦轂陳泰陳增楊榮梁永高淮李鳳輩忽然
于稅場卽中多物故而或以病死或以激變死未聞特
歿于三尺法也近如高宗在四兇之首法宜效兩觀之
誅乃奉 旨回京猶然潛匿劉清源一疏再疏營求回

監管事不勅下法司而溫輪數降信任此曹極矣。是以福王習見皇上之信任此曹也。則而象之往返則驛遞受其凌轢。守催則佃民任其誅求。丈地則肥可爲瘠。征租則多可爲寡。惟所欲爲莫敢誰何。災異之告有自來矣。疏入不報。○升李汝華戶部尚書。

巡撫南憲計十四載茲以侍郎九年考滿進秩尚書。

○清河兵私出松山採木爲奴。會部落殺掠御史王雅量疏叅遊擊馮有功生事戴罪以需後效允之。

六月禳蝗。

丹陽有蝗從西北來蔽天翳日民爭割羊豕禱神凡禱之家止嚙竹樹焚蕙不及五穀有朱姓者姓溫悉

具見聖已過遂寢須臾蝗復逐集朱田凡七畝盡嚼而去隣田不損一穎相傳有書投于路曰借道不借糧亦一異事

○起居注之職向有翰林官專任葉向高廢其官而自

領之然向高工于筆札歲月亦微有登記至從哲遂廢

有以日後史事為從哲言者從哲云要亦何用不得已

異日纂史官自吊各部本章閱之足矣內府藏籍甚多

自焦竑遭謫後史官避嫌不敢至內府緝閱而書皆為

吏役竊出所藏漸耗有諷從哲整飭一番者從哲感額

曰此多事矣從哲以循默苟容中外惟以叢脞相尚不

但一史凡勤事之吏無不垂首喪氣出本朝紀要

元時宰相
注以起居
事以紀事
主上之言
動以然書
之以付史
館夫任作
費相也尚
知紀錄豈
以天朝而
可廢乎

若伍文定
賢多乎此
之功不為
陽名何也

丁巳萬曆四十五年正月禮部遵五年議謚例疏請應
得謚者四十四人、彙請候旨、擬謚四十五人者、雍太畢
鏘、趙參魯、王之誥、張佳胤、余懋學、馬理、曹端、李夢陽、賀
欽、朱冠、談太初、段民、魏學曾、朱鴻謨、魏時亮、龐尚鵬、陳
茂烈、姜洪、黃輦、汪宗初、林綵、楊起元、汪治、楊慎、裴應章、
李中、盛訥、曾朝節、黃鳳翔、姜廷願、何源、陶望齡、劉一儒、
傅新德、沈節甫、周怡、梅鼎、王宗沐、張允濟、李棠、董堯封、
馮應京、敖文楨、計四十四人。○太常寺卿林學曾等公
疏請釋累臣劉光復、嚴旨切責。○革刑部河南司主
事王之宋職、為民之宋以挺擊事得罪、為科臣徐紹吉。
皇明法傳錄卷八 顯皇帝 十八

勤之不能
盡數勢必
用撫撫之
未可遽撫
又必用撫
而至于勤

夢臣韓浚所糾部處坐以貪污至是復以中旨削其籍○兵科給事中趙興邦疏叅陝西套虜乞款邊臣許其帶補前經革去市賞約以新舊互市一歲兩開七年補完金繒之費以八萬計七年之間所費凡六十萬取此六十萬金錢每年以二十萬爲芻牧之費則士飽馬肥卽以長驅虜廷可也不宜示弱至此疏上下部議○貴州苗仲肆虐黔撫張鶴鳴集兵分道勦之初我兵分擊賊巢由五路進攻箐回蒙兵花鴨孔擺韋蒙等寨斬賊一百二十有奇續攻宗角生烈翁忙者貢賊巢亦斬賊一百六十有奇其餘險勁賊寨如大箐回廬山木瓜

不成勳
不成勳
急後米可
物請與

大華麻响四司程番等十二司賊巢尚未掃蕩巡按貴
州御史楊崔請發帑金四萬以二萬為固守之需以二
萬為善後之用不報。

軍民錯壤而居加以叢山深菁易道羊腸綿亘數百
里賊守險甚易我仰攻甚難召募新兵皆四方亡命
張市人而使之戰難一漢兵不足勢不待不用土兵
兵素無紀律不聽節制難二提兵滿萬無一大將登
壇難三重賞之下必有勇夫提兵見肘不敢多用一
錢難四我合則賊分我分則賊合終不能張湖天
之網設四面之羅難五此師之所以難勝也○許重
熙曰按萬曆末年承平日久撫按每以開募為功請
發帑藏請調上兵官收其利民當其失國受其害崔
鳴此舉斬殺無辜以萬萬計而苗民洶洶思亂矣

三月始命吏部考察京官計典例子正月舉行此歲請
旨未下遲至是月亦變局也。

四月貴州巡撫張有鳴奏勅川屬土官

董其昌曰川屬土司改隸黔中本以勢險聯絡耳計不出此而討苗討安日臻于戔川原山谷厭肉流血者何人哉

○兵部署印侍郎崔景榮奏戚曉恩施不宜太濫乞遵祖制收回成命時皇親鄭養性乞襲父職得左都督駙馬侯昌國比例乞恩得都指揮使皆于祖制有違也收回成命四字大有力量疏入不報○直隸巡按王應麟奏應天等處大蝗蔽天食禾將盡懇乞勘賑下部議覆○正陽門箭樓成

五月羣鼠蔽江南渡

二縣混合
乃差錯于
初分正屬
釐革于今
日為千民
者宜靜聽
處分而曉
曉山扶何
為

道南時務
書于所

自五月下旬，十萬成羣，密尾
渡江，穴處食苗，極為民害。

七月初六日京師怪風。○山西大旱，山東大蝗。○浙江

嘉興秀水嘉善田糧不闕者三十餘年，嘉善之民鼓噪

公庭，于是嘉秀里老叩閭辨訴，夫田糧即有推有收，而

隔縣無過割之法，在嘉善之積書有無增割冊籍，在嘉

秀之豪僧有無指亂通同，皆宜窮結精弊，各置之。

九月湖廣承天等處夏旱秋水蝗，殲天異災，叠至萬

姓倒懸，各官請賑以重邸業。○詔停刑。○山東星隕，天

鳴地裂，龍鬬。○江西漳州各大水。○龍德殿延禧宮災

○纂修玉牒成。○大學士吳道南丁艱，回藉道南以科

○纂修玉牒成。○大學士吳道南丁艱，回藉道南以科

○纂修玉牒成。○大學士吳道南丁艱，回藉道南以科

特許可用
施行皆亦
大省

新編開原
外為八言
其知所為
計矣

前場獎為臺省所攻擊疏請二十餘疏溫旨勉留茲
以丁艱行在政府未及期年經綸未展撰次政書欲進
呈會遘疾而卒贈太子太保○礦賊高二集眾千人流
劫靈寶縣獄庫知縣石某却之已追獲伏法○延綏巡
按金忠士奏邊將失守之律重邊將之權反為虜操乞
寬文法以責成之虜常恊邊將曰我一犯搶爾罪立至
故邊將往往陷虜以重利使之或東或西而不出于所
轄之地常嫁禍于其鄰故忠士特為疏請○命代藩虛
懸世子位以待昂藩之子

開濟州以沙均係庶出而先後自代王府受與沙謀
黜昂藩以請李廷杖止據母妄奏選之說左祖

時涉至是行勸諫、涉委莊、唐長之列論者、謂開涉之
不當立也。以冒竊故、謂清之不當立也。以訟父故、謂
虛懸世子位、以待開涉之子、蓋清子
世係又未有罪、至是奉旨定奪、

十一月二十一日 皇太子第三子堯○潞簡妃李氏
請恩襲封其子、賜名常勞、溫答有加○虜犯喜峰口等
處、我兵敗、勦巡按御史薛貞、劾叅將郭珍等降罰、

戊午萬曆四十六年、承天守備太監張文元、以病求去、
祖制凡中外本章、進經御覽、必發閣臣看詳、擬議取
自、上裁、遇有未當、再擬以上、設有事體稍碍、難以奉
行者、封還御札、請改此相循舊規、縱有從中、出不由內、
關者、必細微無關大體事、亦當防其漸、神宗朝中

聖上英明
天秩太阿
勅神事無
大小盡出
親裁宸斷
然亦不獨
於此類是
也

召見雖被
女世流離
貴公子無
身以情
法難分述
以應良次
傷事
嗟應良亦
何事或竟
登人之舍

旨漸多。視為常事。或不時批發。或中夜傳宣。至于明
旨雖下。必由該部抄發後行。今太監張文元告病疏中。
插入別項人犯。取中 旨。以一等字該之。盡為釋放。內
閣不得與該科不得問。亦不知何項罪犯。何起事情。大
學士方從哲。上疏爭之不報。○西城御史薛貞。劾大學
士方從哲之子。方世鴻。狎妓致外人命。詔法司理問。世
鴻與生員楊可久。設席相款。以院妓蔣存兒。侑酒狎昵。
存兒不遜。隨加忿斥。隨令家人霍應良。用馬送回身家。
說者謂世鴻欲奸宿存兒。不從。將脚踢傷。藉口應良從。
馬上。挾抱存兒馬驚。失脚墜地身歿。御史薛貞奏。法司

昔實代人
以成也耶

事有從違
當議獄領
金牌自是
當駕官事
又何待擬
議也

叔前未得
承芳惡道
承甚自有
承芳則虎

會問以霍應良抵償世湯可久律杖○尚寶司卿熊尚
文奏言金牌失落數多會典一款錦衣衛當駕三日輪
班上直各赴尚寶司關領金牌凡領金牌夜巡點閱看
班滿繳入所以嚴關防肅禁地蓋以重地方也今天
子深居高拱二十餘年直宿僅存故事繳領金牌日久
事廢該司查祭旨下部查議○湖廣御史彭宗孟奏
小江老毛塋等處畔苗糾聚數千攻圍施秉殺傷貴州
馬都司十分危急下部知之○奴兒哈赤犯撫順執遊
擊李永芳去城遂陷因以漢字傳檄清河脅併北關巡
撫李維翰赴總兵張承胤移師應援奴兒偽敗誘我師

之生果也
遠不支矣

御史李征
儀訓遠必
以勸之規
模守以
守之師力
爲助乃爲
先算請遠
撫于尺維
新就道

皇明神宗皇帝
前以萬騎廻繞夾攻承胤全軍覆沒

率賽各營方集進河西岸虎堡傳聞喝抄花亦屯
鎮靜邊外勢東西颺動京師震恐○計官五十員軍
丁三千五百五十八名器械馬匹不計其數此兵皆
標營挑選精銳與諸將領戰家丁同時併命旅若長
平之坑

○吏部尚書鄭繼之乞休回籍復起趙煥代之

三月京師正陽門外河水三里餘赤如潰血

四月廷議大典問罪之師詔罷李維翰起楊鎬兵部侍

郎經略命總督薊遼侍郎汪可受先出撫順順天撫臣

移鎮山海保定撫臣移鎮易州以便控御起廢將李如

涪總遼東兵及徵廢將杜松屯山海關劉綎柴國柱等

赴京調度

閏四月、奴酋差夷歸我漢人張儒紳等、賁夷又請和、自稱達州國汗、備述惱恨七宗、大略以護北關嫁老女及三岔柴河退壘爲辭、今願赴貢、求我一二人爲質、若不從、兩家之兵、未能已也。

工科給事元詩教奏言、蠢爾小醜、敢以悖慢之詞、肆行反間之計、夫欲用反間、必先行交通、如所云張儒紳等爲酋送進、乘以馬、引以箭、付以印文、此等情形、非素識奴酋、豈遽至是、當嚴行訊究、况云係東廠所差、則問其因何差遣、從何進入、旣云故宥放之、則問其受何財物。

屬何事體。口詞既具。特疏奏題。如涉別故。不妨另處。果係交通。則當徑坐以交通之罪。械赴關外。斬之。則奴酋之胆寒。而反間之計破矣。不報。

奴酋數萬。由撫安堡老虎川入境。三岔堡兒口深入白家冲。放火延燒房屋。剖殺堡官。又克去三岔白家冲二堡。會夜大雨。河水泛漲。賊退出境。○兵部請發餉二十萬。解赴各鎮調兵。○廣寧衛民孫登妻涂氏生一猴。頭上二角。毛全。門牙四。身上有毛不全。落地隨死。

高汝拭曰。生猴一事。歷觀載籍。前所未存。晉武帝天始五年。有男子七十生角者。謂爲楚王倫之亂。後周大業元年。陞門人有母百歲。額上生角二寸。洪範五行傳曰。辟人陰象角兵象。乃下反上之應。是後天下

器入亂今婦人產猴生角又在遼東用兵之地應
用兵之日其為兵凶之兆不問可知其應在萬萬者
其像巧便後趙猴之其變發奔突類猴之疾時躍起
伏類猴之能張牙鼓吻類猴之悍猶有類者其沐猴
而冠不願作我龍虎將軍
如此實異豈可泛常視哉。

○南京庶宗膚燥等毆辱南京戶部主事張三杰事聞
膚燥等收高牆禁錮張三杰吏部議覆

膚燥通齊燕人之技獸先始分之以不守紀法交
結無賴私僭名號故文皇帝廢之而居其子孫于
令肥至崇泰年間始得授于南京今淫賭放債恃酒
逞兇以部官而梓之入室去頻告背禮部題奏其宗
之無忌憚如此上命
禁錮之而議處三杰

○諭總兵杜松劉綎等出關給問金六萬兩市戰馬以
候○上諭內帑無措止括十萬金佐軍興

七月奴兒哈赤從鴨綠關入犯清河參將鄒儲賢遊擊

張禕死之參將賀世賢於毀陽縱擊得級百五十四

運陽之六清河也計三百五十里而奴之攻清河也

挖牆之法甚巧用其回轎車欄以厚板圍以墻皮每

車下藏賊二三十名以車板擊之城下窺挖上殺死不

美城下進攻不已自寅至未墜東北角礮城上殺死不

遠見永芳大罵而死城中擁兵六千四百唯束手待

斃焉賊殺者萬計自三岔至孤山並遭焚燬此七月

二十三日也至三十日奴始由營子谷出境去事聞

上日該鎮再失城堡虜勢益熾皆由失將賊令不

嚴以致諸將全無戒備賊至束手誤事若此邊疆何

賴李如柏戴罪戾所以贖前愆參將

賀世賢於毀陽縱擊後之者明似永

兩淮參議吳撫謙奏遼事危甚凡此必深濬高壘以拒

之毋待臨戰以蹈不測○朝鮮遣議政府右參贊姜弘

立等統兵請 勅從征并乞硝黃許之○以李光榮爲
援遼總兵移駐廣寧

奴酋八子每登山密謀兵至如風雨建州馬夏月自
突河旁柳葉兼與宰爰合衆近十萬北關喘喘不免
西虜乃豎炒花
等進犯長勇堡

○增設遼東巡撫周永春○迨總兵麻承恩詔獄
以失援
清河也

○奴兒哈赤從撫順入總兵李如柏以朔三日馳瀋陽
遇賊數千騎拒却之二十五日奴復從撫順入會安堡
殺掠千餘而去

東方有白氣長竟天其占爲彗及星尤旗象主兵而
星隕地震報相踵又海州過見白虹貫日如日並出

者三白氣
直軍城上

以夷攻夷
即兵家不
廢而宜宜
中國弗克
自藏小醜
乃以賞能
之始克從
事數千
條亦大矣
矣

○北關夷酋金台失以男得兒革台州勦奴酋一寨來
告詔賜金幣以風勵之時御史陳王庭按開原知金台
失所最驪夷婦為指揮王世忠姑密遣入北關說以虎
整鬼愁革且旦夕勦夷受賞詔以千金金會刑之遂有
是捷○太僕寺少卿吳炯助遼銀一萬兩戶科官應震
言炯有官非求進無子非求恩宜表章之以風勵羣臣
事下部

董其昌云世宗時倭亂用兵里居士大夫史際等有助
餉者聖書褒獎進階遼事起惟黔國公沐昌祚及
炯而已士大夫固有因官致富金穴銅山田連州郡
會不忍捐一文錢濟國家之需者猶復坐致高官如

某等自謂得計
其人賢不肖何如也

○四夷館少卿胡來朝請京兵邊兵更調以練膽勇

高汝拭曰國初重兵聚京師天下有事外兵不能制
者則出京軍討之謂之天兵嘉靖時虜犯京師輒多
調邊兵入衛恐邊兵之輕京師也不得已則調山西
遼東者入援可也又不得已則調延綏若寧夏則已
遠况甘肅遠在萬里者乎不然暫以邊兵入衛而亦
暫出關營兵分戍諸邊卽一二年而營兵與邊兵同
矣今營兵多而下練虛費無益願
令邊兵輕京師立國家之利哉

○命賜張承胤謚巡按御史張銓奏言奴酋罪在必討
又言大將以克敵爲功一死豈足以塞責以朱子綱目

定夙難之品張承胤正在喪師辱國之例不當予世蔭

予謚○革李維翰之職爲民○賜楊鎬上方劍勅聽其

皇明法傳三朝卷之八
便宜行事。○戶部主事洪啓初奉差事。校言黔滇當加
意存恤。恐有意外之變。

紀要曰時議謂楊綬工丁媚虜排敗張鑑鳴果
于勦民飾功楊綬北禦崔鳴南撫時事可知已

○議徙寬奠子女于遼陽。○兵部員外董承詔言唐九
節度之師潰于邕州以無帥統一之也。今將多而難調。
遼事尚多可憂。